



^ 16
2797
2



門 16
2797
2

附錄殉忠錄題詞

毛際可

殉忠錄者胥隸凌國俊九人殉蔡忠烈公而死其事甚烈
今年夏余作忠烈公廟碑既并列之以愧夫人臣懷二心
者未幾國俊之子文志復號泣請曰父死時吾母朱氏年
甚少守節撫孤語文志以父死難事甚詳文志遂遍籲於
當事得以父主配食蔡忠烈公廟更求海內賢士大夫褒
揚之章以垂不朽而其八人者姓氏已不可考矣是國俊
爲盡忠文志不失爲純孝也昔韓昌黎答元微之書謂甄
逢之父濟不汗安祿山父子而逢又能標白其先人事載

昭和十九年
五月二十八日
購求

之天下耳目逢與父俱當得善則國俊父子亦當附余文以見而並及其母之苦節者也若以貴賤而區別焉豈所謂表潛德之幽光也哉丙寅仲秋上浣書於湘江舟次

附逸事

王文簡士禎池北偶談云蔡公道憲閩人以進士爲長沙推官數夢與李忠節公芾酬酢後流賊寇湖南蔡殉節潭人歲時報賽常見二公往來車騎甚盛全州謝石矐良琦記其事云

陶密庵汝鼐石村初刻序云馮根公嘗爲余稱郭幼隗天下奇男子因得與訂交未幾堵牧遊來守長沙又未幾蔡江門以司李至兩公皆留心當世而蔡門庭尤峻獨好幼隗與堵公同幼隗嘗偕根公讀書城南江門深夜上樓望

其燈火或乘月一騎至齋頭去新篇擊節則縱談兵農律
 歷盡所設香茗而去去或為長嘯入雲拂水聲若蘇門曰
 此嘯不傳久矣獨為子作餘人未可妄得也亡何楚氛遽
 烈蔡公以抗節死馮子繼之幼隗奉老母避亂去箚篋盡
 棄亟收江門遺文著帽絮中南遷後堵公復來為學使為
 撫軍每思江門則引郭子與同歌泣比來幼隗自選其詩
 若干首而取蔡公之遺篇與馮子之傳附焉今海內論文
 章節義以江門為何如人而幼隗可以其詩古文附蔡公
 不愧則幼隗何如人也

長沙府志拾遺云康熙閒安化廖乘六廖殿颺王九溪諸
 人請仙降乩忽凌國俊到人問江門葬處凌判曰提起江
 門雙眼淚至今遺痛醴陵坡

又陶密庵汝鼐有湖南寇事詩八十五韻其畧云湖南血
 色日赤盡千里秋幾年尚苛歛公鬪民所仇賊始建旗號
 八月攻湘州偉人蔡司李獨與張許儔歃血要守帥謂尹

也豈知懷異謀引騎突上關須臾傾北樓司李既抗節孝
 廉亦被收謂馮一第也關豎與逆將關豎謂黃明治逆將謂左

右于沐猴

密庵又有哀湖南賦其畧云一旦竹房脫距鄂渚燎毛長
驅賊隊直上湘皋帝子宵遷撫臣潛別路將歛漁陽之鼙
司理灑常山之血遂令我鳥者慷慨於死綏賦鸚者悲歌
以截舌蠡初壘而稱王猴沐冠而就列

案密庵詩賦係親見其事先民迎降非誣然謂其輸歛
迎賊則疑當日憤而文致之詞當以行狀爲信

附逸事

安溪李鍾份秘園云昔有吾鄉顯宦過楚舟泊河干忽颺
風大作檣檝將傾問舟人曰此處有何神廟或告之曰有
蔡江門公祠顯者曰吾往謁之遂入祠祝曰君自流芳百
世我當遺臭萬年長揖而出風浪遂息

蔡忠烈公遺集卷之二

宗裔應魁肖梅編校

湖南新化鄧顯鶴湖泉纂

鍾音貽雅
德彰永三
友蘭念香
余校

忠烈公年譜

明神宗顯皇帝萬曆四十三年乙卯

九月二十七日公生

見堵文忠允錫蔡忠烈公墓志銘
倪康年蔡忠烈公小傳作十月二

十七

公諱道憲字元白號江門

按公家海上閩人謂海
之岐汊為江故號江門

公有印鐫江水在門四字南
安李葵南崢嶸為余言如此

世居泉州晉江縣之埕江

曾大父穀

見益陽陳獻元雅琛蔡忠烈公別傳按墓志銘濱富公諱穀濱富穀之號

大父佐

見別傳按墓志銘仰濱

父維忠府經歷

墓志銘葵一公諱維忠以功曹

為府幕不以五斗縈懷按明代謂吏為功曹謂府經歷

為府幕典史為縣幕見于諸人集中者不一而足即堵

文忠詩李幕吳丞今已矣李幕即長沙府經歷李完珍

亦其證也由是言之則維忠乃以吏員除府經歷者也

母盧太夫人 按蔡知遠顯考江門府君行狀及墓誌銘

皆不見公母姓攷公集中有懷盧砥菴舅師叔兼東皇授表五日感懷呈盧北公舅師砥菴舅

叔催梅花寄盧藝伯皇授二表諸詩則公母為盧姓明

矣公兄弟三人長某早卒次鍾殿郡庠生按墓志銘作

也公丙子與兄書吾父母生吾兄弟屢得二人則公之

伯兄丙子前已卒矣公官長沙時有送元昆兄歸舍詩

攸縣劉杜三友光祭蔡江門先生文公兄元昆馳公其

義興堵公所撰墓志銘來則元昆即鍾設字也

季也

四十四年丙辰

二歲

四十五年丁巳

三歲

四十六年戊午

四歲

是歲長沙吉宣玉翊變薨

四十七年己未

五歲

四十八年庚申 七月丙申帝崩八月丙午朔皇太子常

洛卽皇帝位改元泰昌九月乙亥朔帝崩庚辰皇長子由

校卽位

六歲

熹宗愍皇帝天啟元年辛酉

七歲

是歲吉王由棟襲封

二年壬戌

八歲 行狀公至孝出天性按元本公作父今僭改以便觀後做此八九

歲時文學君謂鍾殿元本作伯父今僭改後做此從經歷君謂維忠元本作大父今僭改後做此居海上

食或不給經歷君以公嬰年遭此為感公故怡然不為

慍色以重盧太夫人憂

三年癸亥

九歲

行狀經歷君少以豪聞晚歲家益落頻患海氛

乃儻居郡城時諸葛滬水先生與經歷君最厚推宅解

衣見公乃大奇之讀公文則舉手為經歷君賀曰有子

如此乃憂貧耶其愛公未嘗以通家年少遇之也按經

儒居泉州府城不能定其何年要在天啟三年以後崇禎三年以前而此年有紅夷犯泉漳之事疑卽所謂海氛也故敘之于是諸葛滬水名義字基畫晉江人官山東副使公集中于諸葛士倫士年皆稱執叔或逕稱叔疑滬水小傳公少聰穎多夙慧嘗讀書虎頭山夜分不

之弟也寐虎聞聲避去別傳公少端毅有膽量嘗讀書虎頭山

夜分虎嘯窗外公書聲不輟虎斂跡去晉江陳遷鶴梅

後集序遷鶴先世故宅在府治北之虎頭山與公之居

咫尺而近按公讀書虎頭山不知何年事姑附之是

是歲紅夷據澎湖犯漳州海澄中左所入廈門按明史

地里志

泉州府晉江東南濱海海中有澎湖同安西南有嘉禾嶼卽廈門海澄縣名屬漳州府

四年甲子

十歲

五年乙丑

十一歲

六年丙寅

十二歲

七年丁卯

八月乙卯帝崩信王由檢卽皇帝位

十三歲

是歲惠王常潤就藩荊州

莊烈愍皇帝崇禎元年戊辰

十四歲

是歲陝西流賊大起安塞馬賊高迎祥自稱闖王

二年己巳

十五歲

三年庚午

十六歲

行狀崇禎庚午滬水先生督儲臨津

即寧興

經歷君偕行公同文學君讀書於先生之臥龍館小樓

清夜桐月榕風呷啜之聲達於衢里性介不妄交與嘗
苦吟得古人佳句則詠諷終日屬文未嘗起艸割牘累
千言援筆立就不易一字卽在倥偬而神思淵恬筆畫
迥妙得其片函皆珍爲拱璧矣每出山硯水涯必窮幽
陟輿人跡罕到之處異果甘泉往往遇之若在稠人廣
座率曠懷獨往吟矚不顧興之所至選場試馬操舟渡
坡月白更闌自譜新聲指齒不形微茫徐引鳳鳴鶴唳
嫋嫋餘音亦自云獨造匪可摹畫者及其談古今興亡
與其所以成敗則反覆淋漓感歎悲歌時政得失得之

傳聞中宵起坐如身任其際者嘗夢與文文山對榻手抄文山集經歷君有執友素器重公者見輒艷然曰何不取李長源韓范司馬傳讀之此非盛世文君何愛焉公斂容起謝而好之不少衰亦其天性爾又少讀楚詞嘗咏諷之燕坐凝默爲曼聲微引聞之淒惻欲涕識者謂有楚音悲激屈賈前身亦一異也性強記讀書過目終身不再目講論敏達不甚拘文義獨出新義趙恭毅申喬蔡忠烈公墓表公少穎悟博覽羣書兼通攷畧別傳公容貌溫潤博覽羣書詩文援筆立就善長嘯夜靜

發聲如鶴鳴層霄通翰畧善騎射按公集中有送年神雙鶴山呈陳拙取師公師之可攷者有此二人是歲米脂賊張獻忠起

四年辛未

十七歲

五年壬申

十八歲

六年癸酉

十九歲 是歲公補晉江縣學生員秋中式福建鄉試

舉人冬入都赴禮闈 別傳年十九補諸生行狀癸酉

舉於鄉出句章徐之垣房時年十九經歷君與滬水先

生在京報至先生引滿為經歷君慶復自喜其有知人

之明也冬入都有題小素美人扇頭詩 按公丙子與兄

乾坤一癡漢遇平康紅粉不惟無動於心幾是木雞不

轉睛耳而此詩云我去長安雪在梅美人為貯別時杯

入都之作故敘於此并以證是年公有入都之行 行

狀公不喜遊權貴晉江曾雲松維楨蔡忠烈丙子與兄

書跋公公車入都時同郡蔣八公德璟黃東崖景昉方

居顯秩以桑梓誼一投刺焉而未嘗再故東崖輓之云

少年裘馬翩翩惱我猶慚交味淡泉郡衣冠濟濟微君

孰報國恩深蓋追紀公車時事也

七年甲戌

二十歲 公應禮部試不第經歷君及公歸里 行狀

公領鄉薦時憫叔昆弟之孤告經歷君曰古有九世同

居者兒不獲與仲母同堂兒恥之食指婚冠何有何無

皆兒責也即廣爨具比椽共處戒謝夫人 元本作母今

潛改後倣此 事仲母如母事從嫂如嫂奉御必取嗇者善體恤人情

食指近百人能使各自厭足畢如其意中所欲其於家

如此經歷君有執友公父事之雖聲伎伶倫凡經歷君

所厚者見必敬禮長者兄之少者弟之畢出至誠按公

試時經歷君在京師崇禎九年冬公入都明年成進士

則經歷君南歸及與仲母同居當在崇禎七八兩年中

疑是公下第時同歸也故書之是年又按公集中有元

哲元謨元燕元聲元鼎蓋皆公之從昆弟也又公集中

有移居河上詩河疑是海字之誤其移居海上當即是

與仲母同居之時蓋自泉州府城移家海上也公集中

有自文圃歸輪江詩疑輪山塢江海上是一處俟考

八年乙亥

二十一歲

九年丙子

二十二歲 公入都至兗州諸葛滬水卒 行狀丙子

上公車而先生謂滬水已歿公迎喪悲痛長號曰人之云

亡邦國殄瘁坐臥喪車下數日乃去 有丙子與兄書

是歲孫傳庭禽高迎祥誅之賊黨復推李自成爲闖王

十年丁丑

二十三歲 公在京師是歲公成進士廷試三甲授雲

南大理府司理旋丁父艱未赴 有帝城元旦詩按詩

頌於今逢十載 明史本紀三月丁巳賜劉同升等進

士及第出身有差行狀公丁丑成進士列第九爲掌科

馮可賓房首卷

是科考試官張至發孔貞運會元吳貞啟

馮初欲元之及見

公深以爭之不力為恨廷試三甲授雲南大理司理

經歷君卒行狀公歸省始就道而經歷君訃至馳還治

喪哀毀骨立卒哭步行拜謝時稱孝焉墓志銘年二十

三魁南宮授滇南李迎養至中途聞葵一公訃音晨夕

跣趨哭不絕聲杖而後起以太母在故勉一粥

十一年戊寅

二十四歲 公丁艱家居 行狀公讀禮三年無隻字

入郡邑邑父母有同籍者亦罕見其面

十二年己卯

二十五歲 公免喪家居 有己卯寒曉入山謁諸葛

三叔詩

是歲吉王慈燿襲封

十三年庚辰

二十六歲 春公之揚州六月歸里秋入都謁選 有

許若昂曾夢與余相遇於一官署及余有維揚之行若

昂為維揚守賓客若昂之夢遂驗感成一律兼呈太守

吳先生詩 有許若昂張清奏俱在廣陵守幕中不可

相面感至愁生讀離騷以忘愁既而雨中來不絕詩

有宿維揚天甯閣閱邸抄太息者久之因步藏經堂見

牡丹盛開詩 有荷亭留別廣陵諸子詩 有別廖孟

符詩 按詩云一棹廣陵路幾千楊花作主挂榆錢祇因故里桃花盡笑我春風負一年則此詩亦作於揚

州 有口占惜別詩 按詩云廣陵春去幾時回蓋揚州三月別人之作也合諸作攷之則

自牡丹開至桃花盡而春去時公尚在揚州荷亭詩云

殷勤池上蓮花發則蓮花時公去廣陵矣攷公三入都

皆道經廣陵然六九年皆以應試行十年正月已到

京師帝城元旦詩可證六年以梅花時行題小素美人

扇頭詩可證明史選舉志會試在二月九日則七十兩

年皆不得於牡丹開桃花盡春去時尚在揚州其北上

謁選則以中秋後行九月十月間已到京師證見後以

是攷之則廣陵之游非入都道中留滯明矣又推領鄉

薦後惟八年及十三年可容廣陵之行長沙廖大隱元

度楚風補廖國遴字孟符長沙衛人崇禎丁丑進士初

任揚州司理後擢戶部給事中嘗上疏請起劉宗周鄭

三俊則孟符之在揚州當在十年以後十四年以前以

是定之則公游揚州 有歸棹松江詩 有次嘉興別

為十三年事審矣 鄭冲素詞 南歸懷許若木詩 按三作舊編荷亭詩後

素詞云雨冥冥兮六月寒南歸詩云便作思歸客 八

如何六月歸則公歸自廣陵六月尚在道中也 月公入都 有庚辰中秋讌繡香園詩 有北上謁選

留別諸葛士年詩云只是中秋宴莫言送我行涼風吹

滿耳遊子畏別聲 有北上謁選留別諸社盟詩云涼

秋霜滿野我行良苦辛又云長安經行道紅葉滿秋聲

有留別諸葛士倫叔詩云青山欲送客容易起秋雲

又云馮君千古誼熱酒破霜華按詩語則謁選以中秋後行明矣有

建溪舟上與果玉言諸公霜月下必能相念因步子野

韻寄歸示意詩林子野名奎明史有附傳有四度仙霞嶺皆雨詩

按四度仙霞者謂入都應禮部試二游廣陵三及此凡四有越浦第一日與果玉

同賦詩 有題旅舍盆花詩 有山路隨谿倏然萬狀

層波淺雪閒葉深花雖有同心尚多殊遠入山第二日

賦詩按行越浦之時推按前後既非深春亦非窮冬則淺雪深花實狀層波與閒葉非言景物也

有轉入山幽處詩 有蘭谿壽王果玉詩 有與果玉

遊西湖同賦詩 有庚辰五月湖游詩當作九月詩中語可按

有自雒江至西湖與同行者三四別今到塘西而果玉

又欲去我因吟林子野詩有一天好月人方去滿地秋

聲感可知之句殊難為情矣書一絕於扇頭俾攜去長

吟可也詩 有有之淮上訪吳皜菴者詩以寄之率成

武林山下詩 有青浦寄家中諸友詩 有念同社諸

君獨余與雨若北風驅馬艱苦萬狀詩 有鷓鴣天賦

秋閨詞按詞云玉簫秋肌已漸寒夢中那得至長安黃

已到京師時所賦其時猶有黃花則秋末也

十四年辛巳

二十七歲 春公補長沙推官出都歸里迎盧太夫人
就養夏奉太夫人之長沙 墓志銘辛巳改李長沙行
狀服闋補長沙司李迎盧太夫人就養 有都門留別
諸同年詩云明月何曾隔春江各自流 有車中夢林
子野答句憶得二語續成詩云河閒二月不飛花 有
東齊馬上口占詩云二月春沙撲紫裘東風太晚入齊
州 有夜月至東平州以兵衛行懷胡叔中詩 有辛
巳北上補銓到汶上縣謁閔子祠詩云堪嗟遊子已經

年

按合諸作攷之則
謁選以春歸審矣

夏公奉盧太夫人之任長沙

有明日之星沙夜飲別諸葛叔詩 有惜別更留呈諸

葛叔詩 有別詩步諸葛叔韻 有別元哲元謨阿昆

季之長沙詩云去馬常嘶總不肥葛蒲綠酒照人衣年

年只向花前別艸艸無言月下帷 有楓亭別諸葛執

叔詩 有楓亭和元燕詩 有登滕王閣詩云斷碑有

氣生春艸古瓦無痕繡紫煙 合諸作考之之任
當以春夏之交 本傳

為長沙推官地多盜察豪民通盜者把其罪而任之盜

方劫富家分財收者已至召富家還所失物皆愕不知

長沙縣志

卷二

年譜

三

所自惡少年閉門謀爲盜啟戶捕卒已坐其門驚逸去
行狀豪猾魯之俞素使酒爲兇暴而膽量異常流公密
召之之俞乞自効數日羣盜劫富人方分財之俞使其
徒掩捕以獻召富人給原物賊與富人相顧駭愕不知
發姦何自又有羣盜閉戶謀劫謀成啟戶之俞已坐其
門矣盜相率遁去之俞乞一役更爲善士有王二者亦
酒徒也爲其母所訟公初欲置之法及見其俛首受刑
無怖無怨公曰若能自新吾勸而母王二叩頭流血母
亦感悔相抱哭謝去王二亦乞役凡郡有盜劫雖數百

里可立致 行狀先是多盜故吏以緝盜爲功民之賊
怨者率以盜相羅織公視篆出其無辜而陷死刑者八
十人株連得全活者百三十餘人長沙府志公衙首自
署云冤人一字莫入此門冤人一事莫出此門行狀其
在星沙案判不事書牘面質數語便爲鐵案招成必使
兩造對讀俱允服乃遣去每云案牘文致正當得情之
外別爲解脫而大奸巨蠹雖百計漏網見公自輸服
行狀初苦土寇置客兵三百事平當事不議撤又不爲
區畫糧芻乃大爲民患有哨長周華宇多力善搏能手

斃數人而性殘虐雞豚麻絮遇之輒盡眾遂為所使曾斃一人於路公遣數卒裹其面而致之明日其眾乃知遂譁擁入郡衙當作推官署語意乃明聲震瓦屋倉卒聞羣吏奔逸有引公且避去者公步堂前呼其長責以大義公初至郡始嘖嘖有賢聲是輩故欲撓劫之及見不覺自驚屈公出哨長咎擊數百垂斃而後遣之自是邨落市肆無敢動者 本傳吉王府宗人恣為奸道憲先治而後啟王王召責之抗聲曰今四海鼎沸寇盜日滋王不愛民一日鋌而走險能獨與此曹保富貴乎王悟謝遣之

行狀吉藩賢王也而宗戚多虐戾民之狡黠者率充校尉以自逞田產佳者指為藩莊遂不可問富人住屋夜未之明便當移去或拘索數百金乃解故事藩府校尉須請令旨始敢治公立實之法而後以聞王意初不善公曰百姓者高皇帝今上之百姓亦殿下之百姓也今四方多難郊郭變生殿下不思保有其民萬一不測朝廷罪責必深殿下獨與此宗戚校尉共富貴乎王嘉納公言爾後宗民不法者公第粘票門下使自就治宗戚憎服虐浸已 公履任即交郡中賢士馮樞公郭幼隗

有馬踏夜城望南阜燈火疑為馮子根公郭子幼隗讀書處詩有郭金臺代古詩序云丁丑都門有以郭子代古詩授余者余於黨人碑一字恥手滑滑等篇下評百餘言不絕是時知其詩初不識郭子也辛巳官長沙揖郭子庭見其人果如其詩一日召多士于黌宮雜命詩題以礪之郭子三戰而三拔探其古文辭尤奇乃今而後吾可以全交交定譽者至毀者至誹忌攻擊者且至余課士日偶拈遙憐山影外人在剔燈寒之句贈郭子紙初落遂有投筆碎硯睜睜操鋒刃而起立者余乃噴

飯日文字交雖蘇張不能閒賁育不能奪曉曉何為按

憐山影外二語在馬踏夜城詩中則其詩亦作于辛巳 寧鄉陶仲調汝彙石邨詩

初刻序馮根公嘗為余稱郭幼隗天下奇男子因得與

交未幾蔡江門先生以司李至獨好幼隗幼隗常偕根

公讀書城南江門深夜上樓望其燈火或乘月一騎至

齋頭奏新篇擊節縱譚兵農律歷盡所設香茗而去或

為長嘯入雲排水曰此嘯不傳久矣獨為子作餘人不

能得也按幼隗名金臺湘潭人 有懷陶仲調詩按密

槐公名一第善化人 中有清秋報蔡江門詩有甲午從幼隗寓中讀忠烈蔡江門遺集有見懷一首感而作寄知己之痛云詩則仲

調亦公友也仲調崇禎癸酉舉於鄉丁丑癸未兩中進士副榜官廣東教授桂王時遷翰林院待詔擢檢討後

薙髮為僧九月公兄元昆至長沙按公送元昆兄歸舍詩云去年九月八日相見在長沙今年七月方半兩人一人還家攷公十五年九日在武昌武昌九日詩可證則九月八日見元昆長沙必十四年也行狀嘗出謁上官往反月餘書檄堆積

盧太夫人在衙署每以公體羸勞頓為患及公歸部決片時立盡便入署述道里所經雜諸諧笑以悅娛膝前向之積贖若無有然

是歲十月堵文忠公知長沙府明史堵允錫傳允錫字仲緘無錫人崇禎十年進士官長沙知府墓志銘辛巳

公改李長沙予亦來守是邦公鋤暴雪寬愛民課士予

師事公按公送堵牧遊太翁入觀歌十月迎君南十月送君北是歌作於十五年十月則文忠到郡以十四年十月明矣

十五年壬午

二十八歲是歲春公奉督漕通州之檄遣謝夫人奉

盧太夫人歸里既至武昌不果行乃返夏以事巡歷茶

陵攸縣益陽湘陰各屬秋仍之武昌分校楚闈十月返

長沙行狀時朝議以外解不前設餉科以給事中督

省餉而發運輸京則選理官之敏練者當事遂以公名

入告公乃泣別盧太夫人遣謝夫人奉盧太夫人歸既而公不果行而盧太夫人已發每入署見盧太夫人坐次輒涕弗可止題詩署壁淚墨淋漓或勸更迎養者公曰吾處在堂也喪亂去多楚實先受之吾未知死所忍使慈母目見子狀乎 有鄂城寓中劉杜三函寄酒厄一詩奉答詩杜三祭文壬午春公奉命督漕予以銀甌進酒為公祝轅公寄郵函壁云此日應難醉何煩寄酒盃 按杜三名友光攸縣人原名自晁號鸞傭崇禎九年舉人入國朝官沙河知縣 有督漕寄飛是舅詩 有通州不果行而老母已歸書愁詩

有退食感懷詩

有寄元聲元鼎阿昆季詩

按詩云今復離長沙

通州一萬里則亦作於是年

有湘水清詩序牧遊先生為我通州

之行賦湘水清長言悲壯每誦便泣下及通州不果行返長沙而先生已去荆鄂閒賦湘水清懷之 有四月

一日四月二日兩詩

四月一日詩云壬午之年四月一

過泉下一杯未可以是我之先君初度日人閒痛飲花甲十年壬午生公時年三十四卒時年五十六也四月二日詩云今日滿堂賓客為親壽獨有天涯遊子坐清書是四月二日乃廬太夫人生日也詩又云老人自謝蒼天佑耳後明珠六十春時與鄰家時復購惟有太平去不還萬歷風景難依舊廬太夫人此時亦六十蓋與經歷君同年生也詩又云大婦數客備酒樽中婦手然鑪煙縹三婦雁行思遠人帖帖春衣隨嫂後三婦者公自

目其夫人中婦則元昆之妻大婦乃公伯兄之妻崇禎九年前公伯兄已卒則公伯兄之妻亦寡居守節者也

有山賊戒嚴環甲宿西郊安民詩

按此即堵文忠所破安化賊也

行狀茶陵益陽攸縣奸民相繼聚黨萬餘申訴其長吏院司莫何惟聞蔡青天來即屏息以聽處分至焚香跪迎數十里 行狀湘陰以餉科馮催徵不如法民積薪衙署斷其飲食欲焚殺之報至餉部莊祖誨者時駐長沙徬徨無計眾云惟蔡青天去可治曰青天為誰左右以公對餉部躬詣公懇令速行公單騎馳百餘里便服入城隍廟祝作粥食畢乃召縣令使請餉科來民間蔡

青天至空邑郊迎十里外以故餉科得從吏舍旁牆穴中出見公民知公已入城大驚還見猶未釋甲公曰湘陰戶未滿萬且不從亂者亦半郡兵三萬餘爾輩豈不知耶且此不過餉科胥吏為奸弊餉科不早察耳餉科奉朝命而來與州邑令失民心激變者異若不早輯異日屠城之慘吾將奈爾何民感泣公乃取餉科胥吏盡法懲之而湘陰以甯

按餉部當時以侍郎督餉者明史楊嗣昌傳天子遣一侍郎督餉崇

禎十年事也後遂仍之與餉科即行狀所云朝議設餉科以給事中出督省餉者時餉部駐長沙即墓志銘行狀所云勅使雷轟者也行狀云期月閒定大難當即指茶陵及湘陰二事又按湘陰縣令是時為楊開字泰生

潮州舉人至是蒞任已三年矣

行狀有以明經為祁陽令者偶謁見
違禮遂疑為假官監司嚴法誣服之仍推究其黨奸胥
因其困憊稍全卹之陰囑妄扳富家至百餘人檄下公
頗怪其事取司票匿袖中密召差役授數字凡同姓名
者刻喚集階下乃多農之樸富及商賈多財者公立釋
去其人僅以其生涯申報而已讞者怒不解他州邑皆
遵奉累繫而至更相扳連得不死者亦傾貲百萬數日
令之家屬至知為真令而令已斃杖下矣院司竟曲全
讞者以數百金畀令屬而已而長沙無一人牽累者公

力也

按此即墓志銘及行狀所云興大獄者是已

公兄元昆歸有書扇頭

送元昆兄歸舍詩廣輿記蔡道憲傳張獻忠猖獗連陷
各郡道憲知事不可為令兄歸省曰親老矣兄善事之
弟與此城俱存亡耳 秋公分校楚闈別傳壬午秋分
校楚闈主考多其才別授他房卷三千有奇公搜閱甄
拔無留良焉行狀壬午秋分闈得士皆時名趙恭毅申
喬蔡忠烈祠田記先是壬午秋公預分校時先君子以
公安令偕入闈一見如平生以道義相期許
按恭毅父名繼鼎字
新叔 有武昌九日懷人詩 有黃鶴樓夜飲惜別詩

有赤壁詩 有雪堂詩 行狀九月郡守堵公以覲行墓志銘壬午十月公有事於會城予以覲行過公小樓秉燭夜話公語予曰子烏得去子去是無長沙也予亦曰子速歸署死而後已吾子勉之 有送堵牧遊入覲歌 冬公歸長沙行狀自公蒞長朞月之間興大獄起大師定大難勅使雷轟檄書兩集悉相咨決然守在尙或分任及堵公行公雖不視篆而郡事頻仍交并曉夜疲勞稜稜然癯骨矣墓志銘予迂戇動造閱侮公苦心綢繆分痛同患朞月間興大獄起大師勅使雷轟檄書

雨集予已創而公亦病矣 有坐茅齋遲高彙旃督學

晚得汝甯信詩 按彙旃名世泰無錫進士崇禎中官湖南提學道僉事著有三楚文獻錄汝甯

信者謂是十一月 行狀賊蹂躪中州且至楚長沙日

李自成陷汝甯也 四五驚民間夜傳賊至矣城外民急入城避賊填塞街

道奸民因此搶掠公徐取琴書裹布衾去城十里卧民

云蔡爺在外吾屬何憂乃相率還數日訶至果無賊

行狀及賊漸入楚至荆公勸民守城富人慳譎所守與

貧孱貧人曰吾奈何為富守公曰獨貧者守耳富人勿

守甚善乃悉以貧戶編城上弱者為堞夫強者為堞長

每十塚置一大斛容十二斗下令有警登陴塚夫日給粟一斗塚長給粟二斗於是間巷歡騰爭願守城公乃於各城門擇便地爲倉貯穀以餉塚夫召諸富人曰若不守城爲我守穀何害羣吏皆竊笑謂安所得穀而守之不知楚人多懼有富名公密議使陰出穀富人喜各自謂上中下戶輸粟入倉而一應守禦之計凡召兵措餉辦船立營消變緝暴制藥弩備火具守要害靡不漸次整飭又是冬李賊襲荆襄者率石慈安諸縣瀟湘洞庭遂紛焉騷動於是荆鎮某犯澧大衆擁惠藩走長沙

曰長沙有蔡推官在長城也長沙已苦藩及惠藩至民愈搖撼第愛公無潰志公苦綢繆不再月勞來還集上

下始帖

有壬午感近事詩云飄零帝子下帷幃

按此目惠

藩出犇事也

有北堂詩

是歲冬劉熙祚巡按湖南明史劉熙祚傳熙祚字仲緝武進人崇禎十五年冬巡按湖南冬十一月李自成陷汝甯十二月陷襄陽據之分兵下德安夔陵荆門遂陷荊州惠王常潤南奔癸巳焚獻陵明史盧學古傳賊既陷荆門遂向荊州巡撫陳睿謨急渡江奉惠王常潤

南奔劉熙祚傳惠王避地至長沙 是時土寇蠡起長沙府志四月邵陽賊劫掠甯鄉明史堵允錫傳山賊掠安化甯鄉官軍數敗允錫督鄉兵破滅之長沙府志余昇衢州人爲太守堵公客崇禎壬午從太守禦賊安化湘鄉界夜雨賊至昇振槊上馬率數百人與賊戰手殺七人不勝而死太守哭之建祠於死事處又立祠甯鄉北郊曰義士廟 甯鄉縣志余昇柳林堡砦官 甯鄉縣志崇禎十五年夏旱邵陽賊百餘人焚柳林堡唐市入城劫居民胡三台家殺三人遂徧掠居民而去知府堵允錫躡其後戰

於倒牛坪守備余雲岫死之

雲岫疑卽昇

又生員姜中治聚

鄉人自爲團總時安化賊趨甯鄉將抵長沙中治守險賊不敢過長沙太守堵允錫遣將余昇逐之戰於黃材橫港之東兵敗昇死焉中治發團兵乘賊不備攻之入其營盡殲之於橫港之東建廟祀昇堵文忠登憶江樓詩有客有客余將軍張弓逐賊大虎坪手刃七賊身劈裂山頭白日摧雲昏 岳州府志李自成既破荊州華容縣胥役日久思亂乃聚黨迎賊賊遣一別帥江一洪據華容時岳州府知事鈕甲攝縣事死之賊剽掠鄉邨

東山民恃險抗賊賊益兵攻之民皆為賊所殲西里民皆載家避於湖渚得免

十六年癸未

二十九歲 是歲春王揚基巡撫承天王聚奎巡撫湖廣李乾德巡撫偏沅夏公同巡按劉熙祚往常德五月返長沙時張獻忠已陷武昌王揚基聚奎走長沙公與熙祚大議增兵餉募得壯士五千日訓練之與總兵尹先民扼羅塘河聚奎聞賊逼大懼撤回長沙公力爭不聽八月丙寅張獻忠陷岳州揚基聚奎乾德先後遁熙

祚奉吉王慈燿惠王常潤奔衡州丙戌陷長沙公死之尹先民降 行狀常德弁周晉假闖賊焚劫時報常德陷公謂此必叛將或奸民藉賊名耳急捕可得及晉就禽當事獲其重賂縱之又擁其所掠名家女數人匿廢弁韓鴻家公白劉直指并禽韓鴻殺之按周晉為亂在二月十七日詳見下文 本傳巡按御史劉熙祚合道憲募兵得壯士五千訓練之皆可用 行狀劉直指邀公入常德安民議增兵而苦無餉公乃條舉其可那用者直指云公每譚郡中兵實如指掌列眉謂或因察盤能強記耳常德未

經巡歷何由知之公曰此無他吏事暇凡書志文移無一字放過以此知之直指大歎服又甘明揚許廷寰行劫江湖開累貲巨萬有司莫敢問公懸重格購之且以家貲充賞無何衆禽明揚來公賞如約而廷寰亦自縛以見按直指謂劉忠毅公忠毅以五月巡常德詳見下文有泥山歌 有自滄港泥行詩 有午雨宿大龍驛詩 周汝爲二南請旌長沙府推官蔡道憲申文荆襄告變奉憲臺面諭推官蔡道憲與職及知縣吳應恂謂李賊旣已得志張賊勢必跳梁惟我星沙扼衡永門戶作岳陽聲援不有重兵

恐受禍不淺且郡中劣衿梗姓開釁道隙無以制之憂不在外侮也適部堂莊老大人題疏開餉移衡永副總兵尹先民開鎮招兵措餉辦船立營外借先民之聲靈內實竭憲臺之籌運與推官之心血弭姦消變緝暴安

民按憲臺者謂分巡下湖南道副使馮雲起也莊老大人者謂莊祖誨督餉侍郎岳州府志劉

熙祚歷巡常德調衡永副總兵尹先民守岳州本傳道憲親將所募兵與總兵官尹先民等扼羅塘河行狀先是廣鎮尹先民善戰夙有能稱公邀結之與誓師河上尹亦感奮爲公用按河上卽羅塘河在長沙北關外俗名撈刀河河口濱江之山曰駱駝嘴

聲相近也今壕塹宛然先民開鎮據申文在陷武昌前與明史異今從申文

本傳十六年

五月張獻忠陷武昌長沙大震承天巡撫王揚基提所部千人自岳州奔長沙道憲請還駐岳州曰岳與長沙唇齒也并力守岳則長沙可保而衡永無虞揚基曰岳非我屬也道憲曰棄北守南猶不失爲楚地若南北俱棄所屬地安在揚基語塞乃赴岳州及賊入蒲圻卽遁去行狀癸未五月賊南下攻陷武昌戮溺殆盡而北撫軍率所部奔長沙公見請還屯岳州謂岳長唇齒也并力守岳則長可保而衡永無虞撫軍曰岳非吾守萬一

有失不徒令長安諸公笑我哉公曰棄北守南尙不失爲楚地若南北俱喪亦未見謝過有辭也撫軍語塞乃勉赴岳陽及賊聲息稍近入蒲圻嘉魚撫軍遂亦不抵長沙直揚帆南去其書有云至今尙復有清議哉陵寢且勿問矣公執書長嘆而已公七月二十三日與人書鄂之初陷北撫軍楊帆而南徑入瀟湘鄖撫軍尙有守岳陽之志及諸人皆勸北撫軍往岳協守治撫軍遂卸肩而行北撫軍鼓櫂從之近萬騎卒攜之江干以小民爲雞豚供其宰割驕卒則留毒星沙二撫軍長往不顧

矣按北撫軍卽王揚基耶撫軍治撫軍皆謂李乾德

行狀武岡祁陽民變殺

岷藩宗戚殆盡長沙生員簡可大羅士俊遂欲鉤連逆黨更相效尤謀成未發公召二生與飲於署中酒酣乃曰武岡祁陽之變皆州縣長官之罪也藩封為虐當輯之於始逆謀叛黨何處無之縛而梃殺一健卒之力耳二生惶怖輸服跪乞就死公笑曰君輩井蛙籠鳥亦何能為吾戲君耳二生出而變消申文會武昌告變人心轟然七月十五日憲臺率諸生申大義於李公祠先是司李夢李公諱芾者來拜次早謂職言疇昔之夜李公

入夢我其後身耶母老而不能養嗣艱而無以傳其若之何然而報得君恩顧不得母養嘗唏噓太息至於流涕按憲臺謂馮雲起行狀一日對周判云夜夢宋守李芾來拜

相與譚城守事殊激烈繼以痛哭吾無死所矣 有七月二十三日與某書云南撫軍受命五閱月方自江右入境表回潭澤閒五日不能為百里之程諸眾初猶內畏謂撫軍至必有處此今尙未見幸采而觀其遲緩不速羣無所憚賊始驅馬上高山矣所以望節鉞者非為賊也為兵也賊尙能於殺戮之後假行仁義兵之慘毒

十倍之故無節鉞而兵愈得志民望賊來凡未經兵之地民雖被賊尚有牛羊倉廩經兵之地則釜餽絮衣無一或免積勢至此聖人頓為之不可反也星沙之民幸未如公石等處勾賊為亂今以驕卒驅之羣聚嶺腹不復知有長上楚事真不可為矣

按南撫軍即湖廣巡撫王聚奎也

本

傳湖廣巡撫王聚奎遠駐袁州憚賊不敢進道憲勸令移岳聚奎不得已至岳行狀南撫軍膺命已六月餘駐袁州逗遛觀望不敢進公復請屯岳如所以請北撫軍者南撫軍駐岳

按公七月二十三日與某書云南撫軍受命五閱月則王聚奎之為湖廣巡撫

二月中也行狀云膺命已六月餘則駐岳必八月初旬事也

本傳聚奎至岳數日

即徙長沙道憲曰賊去岳遠可繕城以守彼犯岳猶憚長沙援若棄岳長沙安能獨全聚奎不從行狀南撫軍駐岳數日仍檄徙長沙公曰既無恢復湖北之志岳州無恙不於此繕兵固守乃棄之南下賊攻岳尙慮長沙為之援若岳不守長沙豈獨全哉書再三上不報而岳帥孔全彬驅萬騎踏蹂擁撫軍偕來所過二十里內外純犢薪豢為洗遂破湘陰焚殺淫掠尤甚於賊百姓聞撫軍且至老穉啼號皆遮道言撫軍殘虐且云賊破荆

黃民率先期遁去長沙無一人離異者以使君故今撫軍至我輩無遺類矣於是富家巨室皆稍引去有棲湖蕩以自全者時尹先民兵集而孔卒稍憚按此時尹先民開鎮羅塘河數日撫軍擁艨艟十餘自所坐樓船吹導中軍官牌鎖傳吏役民牽纜索雇役惜馬例金虐甚抵長沙界道府官候河下自卯及未撫軍被酒臥未起時羣情洶潰公私凋耗井舍無煙遠近驚傳皆云賊旦暮至境而撫軍胥役猶以供應不備為恚往來岸上追索至晚鼓三通發銃依轅門高呼唱進中軍官唱推官蔡某進公曰

故事唱進衙耳聲頗厲撫軍意故不懌公見復以棄岳州非策為言其胥役尙欲遲明日進城以一夕供應相苦公曰推官職居守當馳入城老大人善自備恐有饑民與舵工爭一殮之飽推官所不任咎撫軍色大變反顧曰如此如此宜趨行是夜入城 劉熙祚傳巡撫王聚奎撤羅塘河兵還守長沙本傳聚奎聞賊逼大懼撤羅塘河兵還城行狀明日聚奎入城之明日出示著尹總兵同標下中軍官曉夜巡本院更道尹合營俱噪公使人收所出示其承差直入衙署索示張掛公笑曰亦未有以

總兵官巡撫院更道者且所懼城中之賊即直洞開轅

門臥可耳遂以其人合軍中日撫院欲總兵官別撥一

官巡更道耳軍乃輯據此則王聚奎於道中撤尹先民兵同回長沙也公所募兵五千人亦當於是時

同撤回長沙行狀又明日王聚奎入城第三日撫軍謁聖廟召

諸生習講如出巡儀無一至者時按院劉巡按御史岳劉熙祚

道許上江防兼兵備道僉事許璟長寶道馮分巡下湖南兼兵備道副使馮雲起通判

周名二武昌司理傅武昌推官傅上瑞縣令吳長沙知縣吳應恂總兵

尹先民孔全彬郭天才楊國棟等俱會明倫堂撫軍曰

守長沙計將何若皆云蔡推官已有經畫公因條列所

以守長沙者凡數千言其大畧以吉藩居守而文武官

各出城或十里二十里分要地拒賊劉按院然公議岳

道長道亦然公議撫軍曰何蔡推官出一語而諸公莫

敢矯其非頃所言戰也非守也吾謂守尙未可必又誰

能戰公曰不戰惡能守今約兵三萬而僅糧足一月勢

當取給外縣我在外則外縣安守內則各縣不攻自破

矣縣破又安所得糧此不可一也兵法云十則圍之聞

賊衆十餘萬造雲梯竹船諸攻具甚備我居外可以少

擊衆彼攻具皆無所施在內則坐而受困耳其不可二

也且自獻賊猖狂推官坐不安席凡數月矣所以增兵設餉爲戰守地今聚三萬兵於城中何處安頓則患乃在兵多變在內不在外矣其不可三也又賊自破荆承武昌皆不戰不守彼驕無鬪心且頗知某名若知布置有方或不至亦未可知卽至而我有以待之萬不獲已惟某與先民在外請列陣設伏然後煩諸大人爲視師之行如以爲未當撤回未晚公反覆曉諭繼以涕泣且曰城之存亡係在今日老大人決無再計撫軍不答總兵尹先民曰蔡推官所言皆碩畫也先民願決一死

戰若同困孤城異日悔之何及撫軍作色曰總兵欲反耶先民曰先民不反誤人家國事者乃眞反耳遂各散去是日士民環集觀聽者數萬人莫不憤惋泣下及晚相率揭家遁去向來守禦之計一旦俱盡矣本傳聚奎旣撤羅塘河兵還道憲曰去長沙六十里有險可柵以守毋使賊踰此又不從 有送石拙之攸詩按石拙周二南號本傳通判周二南攝攸縣事申文十六年八月初職蒙撫臺王卽聚奎按臺劉卽熙祚及奉憲臺謂馮雲起委職至攸縣交卸司李愈愴然謂共理尙虞其艱獨力將何以濟然

攸亦吾民也其好爲之職去不十日而岳陽陷 行狀
賊諜知撫軍至長沙喜曰有代我取長沙者及知公計
不行益喜遂捲甲夜趨岳州至岳四門洞開賊荷戈笑
語而入蓋撫軍胥役皆賊訶也凡事卽馳以報賊始不
敢正視長沙至是遂放心南下信至撫軍益懼卽召諸
將吏入城云凡言戰者請先以反國奏誅之先民入見
公曰撫軍動以反字加人此豈可耐且先民來保長沙
以先生故亦欲圖尺寸之功爲國家效死今城外營寨
百餘江防區處嚴備要害堵截兵精糧足士奮百倍先

生心血已竭先民夢魂亦願得一當以上報君父下答
知己乃一旦棄之欲坐困孤城異日者圈豕籠雞手提
繩牽就戮先生其謂之何公曰天不祚長沙使斯人來
此公第還衡州招集豪傑長沙存足以犄角不存速圖
恢復先民曰城亡在旦夕先去於義不忍俱死於國無
濟乃流涕而出 行狀夜公視城還有一人著青布袍
從三四人來見審視之乃吉藩也公驚跪曰殿下胡爲
至此王曰撫臣誤我因哭不能言公曰長沙尙可守第
撫軍意非某所敢知殿下若能委曲曉諭撫軍與某協

力同心猶可圖也王曰吾使人矚其所爲已束裝爲去計第欲置吾與先生於死吾易服來乞先生一號令去耳若復相留徒死於此公仰天歎曰大事去矣吾亦何言卽上馬護其宗屬庀舟而送之登舟王戀戀不舍欲懇公偕行而不敢發口明日遣十校尉二丞奉宣令旨欲與公一言具書云寇盜臨門權宜去國傍撓中牽困我大賢遇人不淑天實爲之感念相存倍思共載又云匪兕虎而率曠野皆烏狐而亟只且延頸江干艤舟以待公回書再拜不奉教校尉宣令敦切跪移時公終不

答乃去 行狀明日撫軍先發本部兵於城外爲水陸二道拘集民船豎帥旗於水次然後嚴裝擁申下令曰蔡推官向所議甚是吾固欲用之吾當親統軍於外推官居內攻戰之事吾身任之城之完否則有專歸公曰方賊破岳陽推官舌敝唇焦懇撫軍分遣諸將營伍整飭江防堵截要害以逸待勞反撤兵入城曰有言戰者以反國奏誅之今去賊二百里旦暮且至城中兵三萬將數員不聞別有調發而獨率本部千人欲身任攻戰之事雖三尺孩童亦知其爲走計矣且地方者撫軍之

地方也會典推官無死城之責今既委之而去又卸罪
於人曰城之完否責有專歸推官固必守守而不完固
決死何撫軍去之疾而言之易也則請與撫軍立軍令
狀若能全師在外寇未臨城變生城中者推官之罪也
若委兵潛遁寇來不禦不知爲誰之責與撫軍曰唯唯
於是親立軍令狀諸道將同簽押交授訖遂撥一道二
副將及推官傅上瑞等從撫軍出城撫軍疾登車去公
使覘之云撫軍卽夜乘小舟馳百里天明已入湘潭矣
撫軍去而一時在事諸人重臣大帥皆相繼遁無一存

者居民自撫軍至已稍引避及撤兵入城復驅兵出城
數日之間喧鬧搶掠雞犬亦盡城中哭聲震天地其不
去者非感恩願同生死則羸弱無復之者向所招集各
鎮兵見勢不可爲亦散去獨先民所部六千兵不動公
乃盡以其衆置城上躬爲粥啜之衆皆泣 行狀先是
公有友三人閒關歷險達圍城中欲與公俱存亡者至
是公急遣之曰父母在不許友以死諸公縱重義獨未
學禮乎遂命酌酒爲別三人者泣涕交橫下曰何持報
君家公正色曰此豈某願家之時曰亦當得數言公曰

城亡身死無可言者曰君未有子公曰兄子吾子也教以禮義無玷家聲足矣曰何以報君老母公忽痛絕仆地有頃乃甦南面四拜痛哭曰母生兒不孝不能復侍膝下矣援筆草數字云使吾不得決策為江上一戰而坐困孤城者天也事若可為宗社之靈老母之福書畢授三友因朗吟文文山詩句云我死誰當收我骸吟數遍賓從胥吏皆啼泣莫能仰視於是遣二騎送出城而賊遊騎已薄城下矣是日八月二十二日公七月二十三日與某書親朋不遠數千里而來者至則貿貿然去

道憲之身付之極天怒濤不復知所際也薦卿弼熙若

木猶拳然署中未忍棄去顛沛之日交道真焉按薦卿

熙姓吳若木姓許皆見公集中行狀云開關歷險達圍城中則三人之至必當在十五年冬長沙戒嚴之後余初撰公集後序謂三人者一為郭幼隗一為馮根公其一不知何指後從南安李崢嶸借摹公七月二十三與人書手蹟上石始知為薦卿等三人也行狀二十二日公坐敵樓中賊

前哨至先奔水次所豎帥旗見寂無一人大笑裂旗以辱城上戰士無何獻忠大隊繼至眾數千萬連營二十餘里望如蟻屯獻忠立城下呼曰蔡推官公出敵樓凭欄仰天而笑獻忠懸視還顧其眾曰好推官乃曰吾軍

中無大小皆知汝名勸吾勿犯汝宜速降勿自苦也公
顧先民曰速放箭先民發箭中獻忠馬再發復中其左
翼獻忠急入營換馬於是各相攻擊賊死數百人夜退
營數十里公謂先民曰賊遠來未必有備公可一行先
民許諾乃選精兵二千人從閒道去破殺千餘級第賊
衆終未可敗天明引還 行狀日中獻忠怒并力攻城
晚復至城下日傳語蔡推官吾聞他忠義惜他年少愛
而弗攻也彼知王撫軍胥吏兵將皆吾人否城中虛實
計策吾盡知之吾衆投鞭斷流又何有於此城公亦遣

人傳語云若盡攻擊之術吾盡守禦之方城亡身死勿
復多言獻忠怒而去乃盡出其攻具曉夜攻擊公隨發
而隨制之公數日不入署署中三僕攜羹湯登陴見公
左手持小旗右手操杓勺餉士聲啞骨瘦如柴幾不可
辨識三僕環跪而泣公但語僕云城破若急走無戀我
爲 行狀二十四日公見賊曉夜輪番攻擊城上戰士
死傷過半其餘亦力竭不任乃與先民以千人出北門
搗賊壘公大呼曰男兒死當在戰場耳衆皆感泣爲殊
死戰無不一以當百殺賊至數千人賊稍卻乃引還至

城門從者四百騎耳賊乃盡以其衆合圍而攻之夜半
公鳴鼓不聲衆皆怖慟哭 行狀天明賊爲穴道穿城
城中亂先民曰巷戰尚可活猶上馬呼殺公曰毋庸矣
乃釋戎服取衣冠北面再拜曰某君親兩負願死見高
皇也遂被執獻忠聞公至下堂以待親解其縛曰下卒
無知誤犯高賢公怒罵曰獻忠吾恨不磔汝尸萬段今
日之事惟速死耳獻忠歎曰蔡推官後生勿使氣富貴
可共何自苦乃爾公罵愈力獻忠願其黨且引去遂監
公黃道門使其衆百計說降公終不可有頃賊具食又

頃具供帳皆不答

行狀明日

謂城陷之明日

衆擁先民來公

視先民衣冠如舊疑已降曰汝來何爲先民跪低頭公
曰汝忘江上誓師時耶先民曰豈敢忘之曰不忘胡作
耳先民曰使先民不能戰不能守而死固也公曰今日
尙云能戰能守乎先民尙欲有所言公怒踢其牙流血
衆乃掖先民起先民哭曰吾豈負蔡公者吾終必死死
當訴上帝斷誤國者之頭也於是衆復以公見獻忠公
見極力罵詈且揚天朝威德目眦盡裂頭髮上指獻忠
曰吾入武昌盡屠之以汝惠愛不戮一人汝不從吾今

盡殺城中百姓公哭曰甯寸割我母害吾百姓賊知終不可降乃命劓之公初怒罵至劓割則揚眉清婉顧盼笑語有若生平當時賊環視萬餘人無不咬牙股栗淚淋淋下者獻忠復下堂與語謂公尙可活何良苦爲公嘆血叱之曰獻忠吾爲厲鬼殺汝也獻忠怒拔所佩劍擲中公胸血逆濺其面獻忠忽昏仆良久乃甦遂磔斷公尸刀數折而公歿時二十六日午時也申文賊終欲得司李爲重迫降將尹先民說之司李見先民怒益甚眦裂髮指謂我爲汝豎子所誤汝將何顏以見我二

祖列宗賊知志不可回以司李最愛百姓謂汝不降我殺爾百姓司李乃放聲大哭曰願速殺我莫殺百姓哭止而又繼之以罵賊首乃掩面命劓司李刃數爲斷刺至心血濺上座賊首昏仆久而得甦蓋八月二十六日午時也一時城市邨落遠近傳聞無不如喪考妣悲痛失聲墓志銘賊嗾降將尹欵語公公瞪目直視曰爾爲衛律耶朝廷何負爾而反奮縛堪尹胸而搏之公數賊罪又揚天朝威德大辱賊賊乃劓公公就劓罵不絕左右皆流涕發喟曰南朝僅見李侍郎也本傳賊曰汝不

降將盡殺百姓道憲大哭曰願速殺我毋害我民賊知終不可奪磔之其心血直濺賊面行狀初有衙卒凌國俊李師孔陳賢等九人艱難中侍公不去國俊良家子父兄讀書皆郡庠國俊以事入役嘗言上天下地除非斷頭必不負蔡爺賊初執公諷使勸公降俊曰如吾主可降亦去矣不有今日賊曰不降爾亦不得生俊曰若我輩願生亦去矣不有今日賊遂併殺九人自一至五皆延頸受刃無少卻者尙四卒忽奮然曰願且延旦夕葬主而後受刃賊許之於是四卒解衣裹公體血肉

狼藉凡點血在地皆拭之相與埋於南城外地名醴陵坡葬畢四卒自經死本傳健卒凌國俊等九人隨不去賊亦令說道憲降國俊曰吾主畏死去矣不至今日賊曰爾主不降爾輩亦不得活國俊曰我輩畏死亦去矣不至今日賊并殺之一卒奮然曰願瘞主屍賊許之乃解衣裹道憲骸瘞之南郊醴陵坡遂自刎一統志健卒凌國俊陳世科九人俱從死事祠田記當時死賊者幕卒凌國俊陳世科長沙府志陳世科長沙人以武藝事司李蔡道憲司李歿於賊世科不忍負自經於永豐倉

又蔡公隸劉世鳳亦死之九人俱稟葬公旁按古老言忠烈致命

在明月池其地距永豐不遠世科世鳳皆在九人之中

合凌國俊李師孔陳賢則知姓名者已得五人倪康年

蔡忠烈公小傳康熙二十二年國俊之子文志援李公

芾死潭州其役沈忠亦得從祀例為其父請太守任紹

廣許之附祀於祠又按國俊字瑞甫湘鄉武障司人

小傳公為文冰玉嚴潔自

喜有悔後集行世宗伯曹能始學佺序之稱公詩歌可

與禰正平鸚鵡賦並存又公玉貌鐵骨喜著縞衣赤舄

尤善長嘯每夜靜發聲如鶴唳詩文援筆立就有李青

蓮風宋俊蔡忠烈公別傳公修髯銳下好白衣曳珠履

陳獻元公別傳公容貌溫潤博覽羣書詩文援筆立就

善長嘯夜靜發聲如鶴鳴層霄通韜畧嫺騎射其守孤
城也號令嚴明指畫皆莫測縞素赤舄有輕裘緩帶之

風

明史本紀正月丁酉李自成陷承天巡撫都御史宋一

鶴留守沈壽崇等死之 又庚申張獻忠陷蘄州 澧

州志正月二十九日流賊李自成遣其黨入安鄉知縣

金許增仁和挈家匿民間賊入城三日焚署樓而去許

增乃出戮亂民數人遂逃時許增攝華容澧州事并三

印皆棄之 常德府志二月十七日偏沅標下小帥周

晉在常德聞賊黨渡江因為姦焚城中居民房舍劫掠財物子女火半月不息監軍道熊飛總兵溫如珍副將莫文領兵救火捕晉禽之 澧州志二月十八日流賊李自成遣其黨顏逢聖及偽安鄉縣知縣吳之錫據安鄉 明史劉熙祚傳十五年冬巡按湖南明年二月抵岳州檄諸將分防江澆偏沅鄖陽二撫聯絡聲勢岳州府志先是賊破荊州官軍南竄多集岳州掠食鄉邨及巡按御史劉熙祚至岳州戢歛逃兵禁其剽掠檄參軍孔全彬營七里山防賊南竄之路分遣諸將復華容石

首監利諸縣禽賊帥江一洪斬之 明史本紀三月丁

未賊陷武岡殺岷王企鰲武岡州志崇禎十六年三月

初二日土寇袁有志等破城殺岷王知州譚文佑討平

之 按本紀二月乙丑朔則丁未非三月初二日疑本紀誤 先是岷王企鰲以庶子

人繼 明史諸王傳企鰲倍靖嫡次子 黷貨貪橫蓄怨遠邇罷吏袁有志

密結受害藩戚鄧之沛之澄郡隸胡選及馬老牛鐵將

軍等烏合萬餘人起黃橋鋪直逼城下城陷王率宮嬪

宵遁不得脫次晨執殺於殿階宮室一時灰燼死者無

算知州譚佑文素得民心先夜潛出偕吏目王之道從

西鄉召義勇數千會城中逃散士民獎勵忠義衆皆感泣初六日攻城克之獲寇首之沛等駢斬於演武場賊衆死者近萬街衢尸塞惟有志脫遁初十日復集衆數萬圍城人心惶惶文佑躬自鳴金督衆堵敵馳檄鄉遞赴援賊衆餘氛益熾 澧州志三月十七日巡按御史劉熙祚遣副將楊國棟領兵復安鄉擒賊將顏逢聖僞知縣吳之錫斬之 澧州志三月賊將馬守應卽老回回任光榮孟長庚陷澧州華陽王至漣知州葛遇朝中軍陳彥中皆逃慈利生員姚士俊客華陽王邸賊至冠服危

坐遇害澧州民毛二龔之愉趙寡婦起義不克被執皆罵賊死之慈利知縣趙羽民募兵守險賊不得進桃源縣志癸未春任光榮孟長庚犯縣境鄉宦羅名臣羅其鼎生員向日升團練鄉兵擒賊別帥錢某頗有斬獲武岡州志四月十四日檄黎靖叅將劉承允統官兵至凡五閱月俘有志磔之脅從就撫悉平 岳州府志劉熙祚既恢復四縣而偏沅巡撫李乾德亦至岳州闖賊僞防禦使孟長庚僞將軍任光榮引衆從澧州渡湖向岳州熙祚乾德與上江防道僉事許璟江西人率兵禦之

遇於湖中三戰皆捷四月十一日賊衆過城陵磯官軍以筏載大礮攻沈賊舟十六艘賊乃登岸於磯東五里潛渡出官軍後總兵孔全彬先以兵伏於蓮花塘賊遇伏大敗遂北走自是闖賊不敢向岳州而乾德旋沅州熙祚巡常德皆去岳州明史張鵬翼傳李乾德西充人崇禎四年進士十六年歷右僉都御史撫治鄖陽未赴改湖南時武昌已陷乾德守岳州澧州志賊既失安鄉設僞知縣于焦圻以吳紹先爲之及孟長庚等北遁官兵至焦圻紹先亦遁去 明史劉熙祚傳馬守應據澧

州窺常德土寇甘明揚等助之熙祚馳至常德擊斬明揚五月還長沙 明史本紀五月壬戌張獻忠陷武昌崔文榮傳賊攻武昌時監軍參政王揚基已擢右僉都御史巡撫承天德安二郡未聞命尙駐武昌見勢急與推官傅上瑞詭言有事漢陽開門遁去 按二人走長沙 岳州府志五月二十日張獻忠陷武昌進破咸寧蒲圻諸縣遂向湖南李乾德聞岳州有警馳至岳州與總兵李希貴 流賊傳作孔希貴 修戰守備是時城中居民散盡廛與兵吏守空城耳賊別部至乾德令軍士詐爲居民迎之入城

設伏待之賊黨至遇伏發盡殲之留四賊則其一耳而
 貫其一耳以箭縱回賊以為辱益兵進攻乾德立空營
 植旗幟置礮於營外覆薪其上賊以火攻營礮發斃賊
 數百人賊益怒水陸並進乾德具戰艦載軍士於中流
 度矢石所不及即止賊爭擊之矢礮咸盡乃少進其艦
 與賊戰又分兵從陸路邀擊之賊引卻按此後王揚基至岳州而乾德
 去岳州揚基亦走詳公七月二十三日張鵬翼傳李乾
 與某書及行狀及明史本傳皆見上
 德走長沙岳州陷轉徙衡永按明史謂乾德走而後岳州陷與公與人書合岳州
 府志謂岳州陷
 後乾德始走非 零陵縣志七月初一日祁陽民馮異

反先是萬曆末年岷王支族禪汙襲祁陽王就藩祁陽
 數為貪暴祁陽人苦之異因聚眾萬餘謀殺王王覺之
 遁於廣西異疑王匿於永州府城遂率其黨進圍之時
 推官吳晉錫攝知府事遣人諭之異等不從焚城外居
 民數千閒晉錫與新除廣西都司僉事零陵唐鎔共守
 屢戰殺賊數百人賊解圍遁去 明史本紀八月丙寅
 張獻忠陷岳州岳州府志獻忠屢困於乾德悉其眾二
 十萬圍岳州八月十五日城陷明史本紀丙寅是月之五日
 餘及公書受命五閱月推之知聚奎之到長沙以八月
 又以行狀所載及申文推之陷岳州當在十五日本紀

誤

巴陵教諭桂陽歐陽顯宇時攝巴陵縣事死焉副榜
 舉人李興瑋乞師於諸鎮一家四口為賊所殺賊入城
 行郊祀禮分黨掠諸縣平江諸生童光楚率鄉兵援岳
 州至新牆巴陵地遇賊力戰死之賊黨入平江授主簿楊
 如雲以偽職不從賊怒投之石碧潭罵不絕口而死賊
 更以姜維為偽知縣招連雲山土寇為將合保平江賊
 黨入臨湘知縣林不息死之明史張鵬翼傳賊趨臨湘
 知縣莆田林不息抗罵不屈斷其兩手殺之 明史流
 賊傳岳州陷獻忠欲渡洞庭湖卜於神不吉投琰而詢

將渡風大作獻忠怒連巨舟千艘載婦女焚之水光夜
 如晝騎而逼長沙岳州府志獻忠陷岳州欲渡湖而西
 卜於洞庭神三卜不許乃斂舟將北風起覆舟百餘溺
 死數千人遂由陸路南趨長沙 劉熙祚傳巡撫王聚
 奎撤羅塘河兵還守長沙賊遂長驅至湘陰縣志賊過
 湘陰知縣大埔楊開度不能禦先去至白鶴山召鄉勇
 為恢復計縣人黃鳳德鍾調元邵受璉程可行鍾楚貴
 各募義勇有部曲以佐開及賊陷長沙分兵循近縣至
 湘陰開與賊戰衆潰被執脅以偽職不從賊投之於水

并其妻子奴婢凡十八人支解鳳德戮其妻子調元等
四人亦皆被害縣廩生左天明潛於山間賊搜得強以
偽職不受厲聲罵賊賊殺之 劉熙祚傳賊將至長沙
聚奎率潰將孔全彬黃朝宣張先璧等走湘潭長沙不
能守惠王避地至長沙與吉王謀出奔熙祚奉以奔衡
州本紀八月丙戌張獻忠陷長沙長沙府志獻賊以八
月二十五日入長沙兵道馮雲起先期去一統志吳士
義常州人崇禎中長沙縣丞獻賊陷城被執不屈死長
沙府志李完珍山東人長沙府經歷崇禎末攝益陽縣

事獻賊寇長沙完珍以事赴府至龍關橋遇賊被害塔

文忠登憶江樓詩李幕吳丞今已矣一名完貞一義士

貞從父命義從君生死成名今兩人 按文忠詩完珍作完貞士義作義士

不知孰是

附錄崇禎十六年八月丙戌以後事

行狀今春從祖父道宜至長沙舊役張啟元引道宜拜
墳上百姓聞之聚而哭者不下萬人其得詳當日事乃
啟元及百姓為從祖父述如此而私為傳記者復甚多
百姓又引從祖父觀戰處及賊所為穿城地道巨穴至

今存也 按行狀作於十七年此十七年春事也

小傳次年春恢復長沙

萬民哀號具呈當軸特疏入告贈太僕卿謚忠烈崇祀

名宦建祠置田申文末五月十三日奉旨蔡道憲贈太

僕寺少卿廕一子入監讀書 按是時莊烈帝已崩福王立於南京則此乃南京旨

也 本傳謚忠烈 墓志銘公元配謝氏嗣子知遠女子

子一 按集中有送謝飛雯內兄詩飛雯即謝夫人昆弟也 墓志銘以甲申五月

二十日虛葬公於長沙府城南醴陵坡行狀從祖父欲

開墳取骸骨歸百姓依依不能舍舊守堵公通判周公

重違百姓意乃具衣冠藏於故處改醴陵為理靈為銘

志之建祠立坊置祀田欲以慰公忠魂垂不朽者而湘

醴各州縣皆各請建祠立坊如長沙 行狀七月二十

一日從祖父始負公骨及長沙守今升武漢道堵公名

允錫與郡庠郭金臺所為公傳及墓志銘歸并得小傳

稗乘若干篇又舊役陳嘉祥王正翔自裹糧護公骨偕

從祖父來共見大母及母述公死時狀猶哭不止

本傳邑中舉人馮一第走湘鄉將乞師他所賊繫其母

與兄招之一第歸就縛賊將斬之一老僧伏地哭請免

賊乃去其兩手置營中一夕死母兄獲免 劉熙祚傳

惠王與吉王謀出奔熙祚奉以奔衡州衡州桂王封地也聚奎兵至大焚劫王及吉惠二王皆登舟避亂熙祚單騎赴永州爲城守計未幾聚奎復走祁陽衡州遂陷永士民聞之空城逃二王至永州聚奎繼至越日全彬等亦至劫庫金去熙祚乃遣部護二王走廣西而已返永州拒守賊騎追執之獻忠踞桂王宮叱令跪不屈賊羣毆之自殿城曳至端禮門膚盡裂使降將尹先民說之終不變見殺事聞贈太常少卿諡忠毅衡陽縣志劉熙祖武進人崇禎十六年巡按湖南會獻賊陷武岳進

兵長沙熙祚在長沙率兵堵禦衆潰長沙遂陷熙祚如衡復如永收散卒圖尅復賊猝至被執時賊踞桂王宮賊黨擁熙祚入見勒令跪不從賊怒使其黨聚而毆之從殿城倒曳至端禮門外膚盡裂又縛之柱間脅以凌遲終不屈賊暫釋之欲其必降使降將尹先民款語熙祚瞋目不答未幾賊走常德迫令同行至寧鄉道中殺之初被執題二詩於永州署壁瀟湘聽雨錄巡按御史劉熙祚南京人崇禎癸未流寇張獻忠躡湖南熙祚以死自誓九月二十七日題詩衡州官署而死寧鄉布衣

余鳴玲巡按劉公殉難本末崇禎癸未八月獻賊攻長沙公護諸藩走復永諸藩入粵強公偕往公辭曰御史楚官去永州一步便非我死所九月賊攻衡公救衡賊獲公喜甚誘之降不屈遂囚之賊進攻永分兵攻武岡不下偵知左良玉追兵將至賊遂回軍十月初五抵湘潭界初六駐軍湘潭初七日離湘潭界至龍舍橋初八駐四都宗師廟時公囚於軍中人傳藪澤有義兵將謀奪劉巡按賊怒繫公於馬鞭且曳之遂卒棄尸於道時賊大屠寧民有僧竊識公尸候賊退瘞於路旁公子某

自武進來迎公喪歸寄公粟主於通安關外松竹菴中

按本傳忠毅死於衡州本紀載死於永州與諸家記載不合及推其日月又多抵牾據陶密菴集亦謂忠毅致命在寧鄉今道林有宗師廟即由忠烈致命得名其稱宗師者以當日稱按院為宗師猶今日之稱憲也又松竹菴栗主今尚無恙知當日聞見親確以死寧鄉為正又按忠毅與公累同經畫其死後於公二月櫻公閒關異縣請師救援卒見屠戮亦後於公不得書於編年表月之文中附諸篇末終二公之事亦所以終忠烈之事也

植元

章德

德彰

宗裔應魁全捐刊

鍾音

德佳

友蘭

